

ЎЗБЕКИСТОН РЕСПУБЛИКАСИ
ПРЕЗИДЕНТИНИНГ
ҚАРОРИ



ПОСТАНОВЛЕНИЕ
ПРЕЗИДЕНТА
РЕСПУБЛИКИ УЗБЕКИСТАН

2018 йил “ 9 ” июль

№ ПҚ-384I

“ ____ ” 20 г.

**Ички бозорни қум-шағал материаллари билан барқарор таъминлаш
бўйича қўшимча чора-тадбирлар тўғрисида**

Мамлакатимизда сув объектларини муҳофаза килиш тизимини такомиллаштириш, дарёлар, сойлар, жилғалар ва кўллар муҳофаза худудларини ва ўзанларини (кейинги ўринларда дарё ўзани деб юритилади) тозалаш бўйича ишларни самарали ташкиллаштиришга алоҳида эътибор каратиб келинмоқда.

Амалга оширилаётган чора-тадбирларга қарамасдан норуда фойдали қазилмалар мавжуд жойларда ер ости бойликлари участкаларидан фойдаланиш хукукини берувчи лицензияга эга бўлмаган субъектлар томонидан ўзанларни тозалаш ишлари жараёнида ноконуний тарзда қум-шағал материалларини қазиб олиш ишлари давом этмоқда.

Шу ўринда, тадбиркорлик субъектларига бундай ишларни амалга ошириш имкониятини бекор килингандиги уларнинг мавжуд техника ва жихозларининг ишламай туриб колишига ва ички бозорда қум-шағал материалларининг нархи кескин ошиб кетишини юзага келтирмоқда.

Ўзбекистон Республикаси Фавқулодда вазиятлар вазирлигининг сел, тошқин ва ер кўчкиси хавфи бўлган худудларда кирғокни мустаҳкамлаш, химоя қилиш ва тиклаш ишлари бўйича ихтисослаштирилган мухандислик-техник отрядларига дарёлар ва сойлар ўзанларини тозалаш ишларининг юклатилиши тўпланиб қолган ушбу муаммоларни ҳал қилиш учун етарли бўлмаяпти.

Фаол тадбиркорликни ривожлантириш учун кулай шарт-шароитлар яратиш, дарё ўзанларини тозалаш жараёнида қонунчилик талаблари бузилишининг олдини олиш, бу соҳада давлат-хусусий ҳамкорлигини ривожлантириш, шунингдек, ички бозорни қум-шағал материаллари билан барқарор таъминлаш мақсадида:

1. Маълумот учун кабул килинсинки, Ўзбекистон Республикаси Президентининг 2017 йил 25 сентябрдаги “Сув объектларини муҳофаза килиш тизимини янада такомиллаштириш чора-тадбирлари тўғрисида”ги ПҚ-3286-сон қарори асосида:

дарёлар ўзанларини тозалаш ва кирғоқларни мустаҳкамлаш ишлари Ўзбекистон Республикаси Фавқулодда вазиятлар вазирлигининг сел, тошқин ва ер кўчкиси хавфи бўлган худудларда кирғокни мустаҳкамлаш, химоя қилиш ва тиклаш ишлари бўйича ихтисослаштирилган мухандислик-техник отрядлари томонидан амалга оширилади;

ушбу ишларга Ўзбекистон Республикаси Президентининг 2007 йил 19 февралдаги ПҚ-585-сонли қарори билан ташкил этилган тошқин сувлари ва сел оқимларини хавф-хатарсиз ўтказиб юборишни таъминлаш, қор кўчиш ва ер кўчки ҳодисалари хавфини камайтириш бўйича Хукумат комиссияси (кейинги ўринларда – Комиссия) қарори асосида бошқа ташкилотлар ҳам жалб этилиши мумкин.

2. Ўзбекистон Республикаси Фавқулодда вазиятлар вазирлигининг вазирлик хузурида дарёлар ўзанларини тозалаш жараёнида қум-шағал материалларини қазиб олиш бўйича буюртмачи сифатида “Хавфсиз дарё” давлат унитар корхонасини (кейинги ўринларда – “Хавфсиз дарё” ДУК) ташкил этиш тўғрисидаги таклифига розилик берилсин.

3. “Хавфсиз дарё” ДУКнинг асосий вазифалари этиб қуидагилар белгилансин:

дарё ўзанларини тозалаш жараёнида қум-шағал қазиб олиш ишларини олиб бориш учун лойиха хужжатларини ишлаб чиқиш, улар бўйича давлат экологик экспертизаси хulosасини олиш;

Ўзбекистон Республикаси Фавқулодда вазиятлар вазирлиги, Экология ва атроф-муҳитни муҳофаза қилиш давлат қўмитаси ҳамда Геология ва минерал ресурслар давлат қўмитаси ходимлари билан биргаликда доимий равища жойларга чикқан ҳолда дарёлар ўзанларини тозалаш ишлари олиб борилаётган участкалардаги ҳолатни ўрганиш;

шартнома асосида жалб этилган тадбиркорлик субъектлари томонидан дарёлар ўзанларини тозалаш ишлари натижасида олинган қум-шағал материаллари ҳажмининг хисобини юритиш;

Ўзбекистон Республикаси Фавқулодда вазиятлар вазирлиги билан биргаликда дарёлар ўзанларида қум-шағал материаллари тўпланиб қолган ва тозаланиши лозим бўлган участкалар рўйхатини тасдиқлаш учун Комиссияга киритиш.

4. Белгилаб қўйилсинки:

тўпланиб қолган қум-шағал материалларидан тозаланиши лозим бўлган дарё ўзанларининг рўйхати Ўзбекистон Республикаси Фавқулодда вазиятлар вазирлиги, Экология ва атроф-муҳитни муҳофаза қилиш давлат қўмитаси ҳамда Геология ва минерал ресурслар давлат қўмиталари ходимлари томонидан олиб борилган ўрганишлар натижалари бўйича шакллантирилади;

Комиссия томонидан тасдиқланадиган рўйхатдаги майдонларда дарёлар ўзанларини тозалаш ишларига тадбиркорлик субъектларини жалб қилиш “Хавфсиз дарё” ДУК томонидан “E-IJRO AUCTION” электрон савдо майдончаси оркали ўтказиладиган танлов йўли билан амалга оширилади;

дарё ўзанларини тозалашда факат, кирғоклар ювилишига ҳамда яқин худудларни сув босишига сабаб бўлиши мумкин бўлган ва сув оқимларига тўсқинлик қилаётган ўзанда йиғилиб қолган қум-шағал материаллари ҳажмини қазиб олинишига рухсат этилади;

дарё ўзанларини тозалаш жараёнида кум-шағал материалларини қазиб олиш ишлари мавсумий тарзда, ер участкаларини ажратмаган ҳолда амалга оширилади;

кум-шағал материалларини реализация қилишда тадбиркорлик субъектлари соликка тортишнинг амалдаги тартибини сақлаб қолган ҳолда казилма бойликлардан фойдаланганларни учун ўрнатилган тартибда солик тўлайдилар;

дарё ўзанларини сифатли ва ўз вактида тозаланишига “Хавфсиз дарё” ДУК масъулдир.

5. Белгилансинки:

Ўзбекистон Республикаси Фавқулодда вазиятлар вазирлиги “Хавфсиз дарё” ДУКнинг муассиси ҳисобланади;

“Хавфсиз дарё” ДУК директори ва унинг ўринбосари Фавқулодда вазиятлар вазири томонидан лавозимга тайинланади ва озод қилинади, ҳарбий хизматчи ҳисобланади ҳамда мақоми бўйича тегишли равишда Ўзбекистон Республикаси Фавқулодда вазиятлар вазирлиги марказий аппаратининг бошқарма бошлиғи ва унинг ўринбосари лавозимига тенглаштирилади.

6. “Хавфсиз дарё” ДУК ҳарбий хизматчилари қонунчиликда белгиланган озиқ-овқат, пул, кийим-кечак, тураг жой таъминоти билан давлат бюджети маблағлари ҳисобидан таъминланиши, шунингдек, пенсия, тиббий таъминот ва бошқа ижтимоий кафолатлар ҳамда имтиёзлардан фойдаланиши белгилаб қўйилсин. Бунинг учун Ўзбекистон Республикаси Фавқулодда вазиятлар вазирлигига офицер таркибига кирувчи иккита қўшимча ҳарбий хизматчилар штат бирлиги ажратилсин.

7. “Хавфсиз дарё” ДУК директорига куйидаги хуқуклар берилсин:

етарли даражадаги билим ва иш тажрибасига эга бўлган малакали мутахассисларни фукаролик-хуқуқий шартнома асосида жалб қилиш;

Ўзбекистон Республикаси Фавқулодда вазиятлар вазирлиги билан келишилган ҳолда ташкилий-штат тузилмасига ўзгартириш киритиш ва иш хажмидан келиб чиқсан ҳолда юридик шахс мақомисиз, 4 нафардан ортиқ бўлмаган штат бирлиги билан ҳудудий бўлинмаларни ташкил этиш.

8. “Хавфсиз дарё” ДУК фаолиятини молиялаш манбалари этиб куйидагилар белгилансин:

“Хавфсиз дарё” ДУК билан тузилган шартномаларга асосан тадбиркорлик субъектлари томонидан дарё ўзанларини тозалаш натижасида олинган кум-шағал материалларининг (ишлов берилмаган) ҳар бир 1 куб.м. учун шартнома тузилган кунда амалда бўлган энг кам ойлик иш хакининг икки фоизи микдоридаги тўловлар;

конун ҳужжатларида такиқланмаган бошқа манбалар.

9. Белгилаб қўйилсинки, “Хавфсиз дарё” ДУКнинг пул маблағлари факат куйидагиларга:

“Хавфсиз дарё” ДУКни саклаб туриш харажатларига;

тадбиркорлик субъектларини дарё ўзанларини тозалаш ишларига жалб қилиш билан боғлик харажатларга;

“Хавфсиз дарё” ДУК ҳамда Ўзбекистон Республикаси Фавқулодда вазиятлар вазирлигининг сел, сув тошқини ва кўчки хавфли ҳудудларда кирғоқ мустаҳкамлаш, ҳимоялаш ва тиклаш ишларини бажаришга ихтинослаштирилган мухандислик-техник отрядларига юклатилган вазифаларни амалга ошириш доирасида моддий-техник таъминлашга йўналтирилади.

10. Ўзбекистон Республикаси Фавқулодда вазиятлар вазирлиги бошқа вазирлик ва идоралар билан биргаликда бир ой муддатда:

“Хавфсиз дарё” ДУК Уставини, ташкилий-штат тузилмасини, штат жадвалини, харажатлар сметасини тасдиқласин ва унинг белгиланган тартибда давлат рўйхатидан ўtkазилишини таъминласин;

“Хавфсиз дарё” ДУКни хизмат хоналари, мебель, компьютерлар, алока, шунингдек, заруриятга кўра транспорт воситалари билан таъминласин;

“Хавфсиз дарё” ДУК фаолиятини самарали ташкил этишни юқори ҳамда профессионал даражада таъминлай оладиган малакали мутахассислар билан тўлдирилишини таъминласин.

11. Комиссия тўпланиб қолган кум-шагал материалларидан тозаланиши зарур бўлган дарёлар ва сойлар участкалари рўйхатини тасдиқлагач, уларни Ўзбекистон Республикаси Фавқулодда вазиятлар вазирлиги, Экология ва атроф-муҳитни муҳофаза қилиш давлат қўмитаси, Геология ва минерал ресурслар давлат қўмиталарининг расмий веб-сайтларида жойлаштирилишини таъминласин.

12. Ўзбекистон Республикаси Фавқулодда вазиятлар вазирлиги, Экология ва атроф-муҳитни муҳофаза қилиш давлат қўмитаси ҳамда Геология ва минерал ресурслар давлат қўмиталари дарёлар ўзанларининг тозаланиши бўйича амалга оширилаётган ишлар ҳамда мазкур ишлар натижасида олинган кум-шагал материаллари хисобга олиниши устидан қатъий назоратни ўрнатсин, шунингдек, тадбиркорлик субъектлари учун кум ва шагалнинг ўрнини босадиган мавжуд мукобил қурилиш тош қазилма жойларини тақдим қилиш бўйича зарур шароитлар яратсин.

13. Давлат ҳокимияти ва бошқарув органлари дарёларнинг ҳимоя зоналари, ўзанлари, кўллар, сув омборлари, каналлар, зовурлар, ва бошқа сув обьектларини тозалаш ҳамда уларнинг кирғоқларини мустаҳкамлаш ишларида иштирок этиш истагини билдирган тадбиркорлик субъектларига ҳар томонлама кўмак кўрсатсин.

14. Фавқулодда вазиятлар вазирлиги:

а) бир ой муддатда Ўзбекистон Республикаси Молия вазирлиги билан биргаликда Фавқулодда вазиятлар вазирлиги марказий аппаратининг янгиланган штат жадвалини тасдиқласин;

б) 2018 йил якунлари бўйича, кейинчалик заруратга қараб, “Хавфсиз дарё” ДУКнинг фаолиятини ва дарё ўзанларини тозалаш ишларини самарадорлигини ошириш бўйича Ўзбекистон Республикаси Президенти девонига таклифлар киритсин.

в) икки ой муддатда манфаатдор вазирлик ҳамда идоралар билан биргаликда Ўзбекистон Республикаси Вазирлар Маҳкамасига:

“E-IJRO AUKSION” электрон савдо майдончаси орқали тадбиркорлик субъектларини дарёлар ўзанларини тозалаш ишларига жалб қилиш тартибини тасдиклаш бўйича хукумат қарори лойиҳасини;

конун хужжатларига ушбу қарордан келиб чикадиган ўзгартиш ва қўшимчалар тўғрисида таклифлар киритсин.

15. Мазкур қарорнинг ижросини назорат қилиш Ўзбекистон Республикасининг Бosh вазири А.Н. Арипов, Ўзбекистон Республикаси Бosh вазирининг биринчи ўринбосари – “Ўзбекистон темир йўллари” АЖ бошқаруви раиси А.Ж. Раматов ва Ўзбекистон Республикаси фавқулодда вазиятлар вазири вазифасини бажарувчиси Т.А. Худайбергенов зиммасига юклансин.

Ўзбекистон Республикаси
Президенти

Тошкент шахри



Ш.Мирзиёев